

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 4. Testimonia sanctorum Patrum de sacra Psalmodia ab ortu Ecclesiae,
& deinceps temporum serie servata. Addita quaedam de ejus excellentia,
& de perenni Psalmodia in quibusdam Ecclesiis instituta. ...

urn:nbn:de:hbz:466:1-10805

cœnâ subdunt vigilias, in quibus pernoctare solent, & cantare hoc modo. Confestim surgunt omnes ex utraque parte convivium quodam celebratur, & primum fiunt chori duo, virorum unus, alter mulierum. In utroque suis eligitur dux & præcentor, qui simul & personæ dignitate, & arte musicæ antecellit. Deinde hymnos canunt in Deum metris, & modulatiōibus multis compositos, nunc junctis vocibus simul resonantes, nunc sibi invicem congrue respondentes. Hæc Philo, cui Græcum testem adjungo Lucianum^m. Samostatum cognomenatio Atheum. Hic in dialogo quodam, postquam ore sacrilego Christi religionem impudenter irritat, Christianos in fine convitiatur ad hymnos totâ nocte decantandos vigilantes. Pliniusⁿ item Secundus libro decimo Epistolarum, Christianorum mores Trajano Cæsari ita describit, quod soliti essent statio die ante lucem convenire, carmenque Christo quasi Deo dicere secum invicem, seque sacramento non in seculis aliquod obstringere; sed ne furta, ne latrocinia, ne adulteria committerent, & quæ sequuntur. Ammianus quoque Marcellinus^o. Christianorum in Ecclesia pernoctationes commemorat. Hæc infideles: sed fidelium testimonia quis re- censeat? Lassatur calamus gravissimorum Patrum Græcorum & Latinorum numero, qui unanimi consensu hymnodia ritum, horas, & antiquissimum institutum stabilierunt. Hic sacrosancta Psalmodia meridies est, hic autem, hæc nunquam interitura juventus. Sed præcipuas tantum insigniorum Patrum sententias recitabo, servato ordine temporis, quo quisque vixit.

§. I V.

Testimonia sanctorum Patrum de sacra Psalmodia ab ortu Ecclesiæ, & ainceps temporum serie servata. Addita quedam de ejus excellentia, & de perenni psalmodia quibusdam Ecclesiæ instituta. Desiderium laudandi Deum. Tacti obiter quidam Ecclesiasticae Hymnodiae calumniatores.

1. **O**ccurrunt nobis in ipsis Ecclesiæ incunabulis, primo scilicet Christiano sæculo, qui viri! Clemens Romanus^p, & Dionysius

^m Lucianus in Philopatre. ⁿ Plin. lib. 10. ep. 97.
^o Amm. Marcellin. l. 28. insl. ^p Clem. Rom. lib. 8. c. 34.

Areopagita. Primus in Apostolicis constitutis orandum esse præcipit mane, horâ tertiâ, sextâ, & nonâ, vespere, & ad galli cantum. Mane gratias agentes, ait, quod illuminavit nos nocte sublatâ, & redditio die. Terciâ, quod eâ horâ Pilatus judicium adversus Dominum pronunciavit: Sextâ, quod eâ horâ in cruce astus est: Nonâ quod tunc omnia mota & tremefacta sunt Domino crucifixo, quia horrerent audaciam impiorum Judæorum, & contumeliam Domini ferre non possent: Vespere, quod noctem dederit ad requieendum à diurnis laboribus: Ad galli cantum, quod eâ horâ nunciet adventum diei ad facienda opera lucis. Alter^q Epistola ad Demophilum laudat S. Carpum, quod soleret circa medianum noctem ad divinos evigilare hymnaos. Et libro de Ecclesiastica Hierarchia Ecclesiasticum cantum vocat concordem & consonam sacrarum rerum choream: patimque meminit hymnologiae, psalmorum, lectionum, & canticorum. Sanctus quoque Ignatius Martyr^r Epistola ad Magnesianos, & ad Heronem sacros cœtus, & synaxes ad orandum commendat: & Epistola ad Philippenses salutat collegia Virginum, quæ cum Deo se consecrarent, proculdubio psalmis & orationibus statim horis incumbebant. Invita etiam S. Cornelii Centurionis^s, quem Petrus Apostolus baptizavit, nocturnæ psalmodiae, hymnorumque mentio fit. Spectat denique ad primum saeculum, quod Cassianus in Monasticis institutionibus scribit. Nam cum in primordiis fidei pauci quidem, sed probatissimi Manachorum nomine censerentur, qui à beatæ memoria Evangelista Marco-normam suscepere vivendi, cum diverso modo quidam quinquagenos, alii sexagenos psalmos in nocturna & vespertina synaxi dici instituerent, quidam in medio fratrum apparet duodecim psalmos recitavit, & repente disparuit, sicque illis Angelico monitu prescriptus est numerus psalmorum tam in vespertinis, quam in nocturnis conventibus servandus.

2. Secundo saeculo præter Justinum Martyrem, & Philophorum, nullum ex Patribus invenimus, qui specialiter & expressè divinorum officiorum mentionem faciat: nam Theophilus, Athenagoras, Tatianus, & Irenæus toti sunt in confutandis infidelibus: aliorum opera non extant. Justinus^t autem in Apologetico pro-

^q Dionysius Areopagita. ^r Ignatius Mart. ^s Apud Surum die 13. Sept. ^t Ioan. Cass. lib. 2. cap. 5. p. Justinus Mart.

Christianis, conventus & preces, ac in iis sacras lectiones commemorat. Et ibidem; Precibus finitis, inquit, unusquisque laudem, & gloriam rerum universarum Patri per nomen Filii, & Spiritus sancti offert. Epistola quoque ad Zenam, & initio colloqui cum Triphone Iudeo hymnorum, & laudum meminit, precumque nocturnarum ac diurnarum. Hoc item saeculo occurrit S. Abercius Episcopus Hieropolitanus, qui solitas horæ nonæ preces recitasse dicitur, ut refert Surius ^x in ejus vita ex Simeone Metaphraste. Occurrit & Monasterium sancti Heleni Episcopi, cui præfuit Theodorus, illique succedit Eugenia, quæ ibidem in habitu virili mentita sexum monachum agebat. Inter hujus autem virtutes anterior vitæ ejus apud Heribertum Rosvidum ^y hæc habet: Tertiæ, sextæ, nonæ, vespertinæ, vel nocturnæ, atque matutinæ horis tam cautissimè insistebat, ut videretur jam perisse Deo, si horarum vel quidpiam spatii absque diuinis laudibus aliqua præterisset.

3. In limine tertii saeculi statim inveniemus Tertullianum ^z: quem meritò Latinorum Scriptorum antesignanum dixerimus. Hic in Apologetico adversus gentes cœtus antelucanos ad canendum Christo ex Epistola Plinii citata commemorat. Et ibidem, Coimus, inquit, in cœtum & congregationem, ut ad Deum quasi manu facta precationibus ambiamus orantes, cogimus ad divinarum litterarum commemorationem. Libro de Corona militis cœtus antelucanos iterum laudat, aliosque ritus Ecclesiæ, libro secundo ad Uxorem: & libro de jujuniis horam tertiam, sextam, nonam & vespertinam, earumque rationem eleganter explanat. Ex adverso floret Græcorum præcipius Origenes ^a, qui libro primo contra Celsum, primum caput criminacionis adversus Christianos fuisse scribit, quod clancularios conventus haberent, ad agapen nimis & ad synaxim. Idem libro tertio in Job (si tamen ipsius sunt ea commentaria) matutinas & vespertinas deprecationes commendat. Quid ejus. Præceptor Clemens Alexandrinus ^b, nonne septimo Stromatum tertiae, sextæ, & nonæ meminit? Deinde subdit: Jam vero triplicem horarum divisionem, quæ totidem sunt honoratae precibus, scilicet qui norunt beatam sanctorum mansionum Trinitatem. His omnibus & martyrio & eloquio major est Cy-

prianus ^c, qui libro de Oratione Dominica, nocturnæ & matutinæ precis, tertia item, & sextæ, & nonæ, ac vesperarum mysteria edifserit, cuius aurea verba capite sequenti recitabo. Sanctus item Zeno ^d sermone primo ad Neophytos post baptismum dulces vigiliæ clarissimæ noctis exaltat: Et Cæcilius apud Minutum Felicem ^e nocturnas congregations Christianorum calumniatur, eosque vocat Latébrofos & Lucifugaces. Similiter Arnobius ^f libro primo contra gentes; Quotidianis, inquit, precibus Deum colimus. Vixit & hoc saeculo sanctus Hippolytus ^g Martyr Episcopus Portuensis, qui oratione de consummatione saeculi, inter cæteros Ecclesiæ ritus ab Anti-Christo tollendos psalmorum decantationem enumerat. Ad hæc tandem tempora pertinent plures Sancti, ex quorum actis illustria de horis canonicas testimonia elicuntur. S. Chariton plures Luras ædificavit suisque Monachis constitutions scripsit, præsertim verò de psalmodia tam diurna, quam quæ noctu fieret ^h. Cum S. Basileus Episcopus Amaseæ detineretur in carcere, Clerici & Diaconi auro impetrârunt à custodibus, ut ad ipsum magnum Pontificem intrare possent, & unâ cum illo Divinas preces, noctibus præsertim canere, ut scribit in ejus vita Joannes Presbyter Nicomediensis ⁱ. In actis S. Sebastiani ^k à B. Tiburtio Præfeci Filio quidam Torquatus reprehenditur solo nomine Christianus, quod hymnos noctu plallentibus per vigil non interesset. Matutinum officium, & hora nonæ preces in vita S. Febronie Virginis & Martyris leguntur, quam scripsit Thomas sanctimonialis ^l. In actis sanctorum Martyrum ^m Indes, & Domnae cum aliis, qui passi sunt Nicomedie, mentio fit Christianorum, ut nocturna officia Deo psallerent, de more in Ecclesia congregatorum.

4. Quartum saeculum exhibet nobis Eusebium Cæsariensem ⁿ passim in Ecclesiastica Historia; & Pachomium Abbatem ^o, qui regulam & modum psallendi accepit ab angelo. Magnumque Antonium ^p, qui plura monasteria instituit plena choris psallentium. Quid Athanasium ^q commemorem, quid Basilium, quid Gregorium Nazianzenum? Primus libro de

Ooooo 3 virginis

^c Cyprianus. ^d Zeno. ^e Minutus Felix. ^f Arnobius. ^g Hippolytus Portuensis. ^h Surius 28. sept. i Joannes Nicomediens. ^k Surius 20. Jan. l Thomas sanctimonialis. m Surius 27. Dec. n Euseb. Cæsariensis. o Pachom. abb. p Anton. Magn. q Athanasius.

^x Surius die 28. Octobr. ^y Rosev. de vitiis Patr. lib. 1. ^z Tertullianus. ^a Origenes. ^b Clements Alexandrinus.

virginitate, sive de meditatione; Sol oriens, inquit, videat librum in manibus. Post tertiam synaxes conficies, quoniam eā horā defixum est lignum crucis. Sextā horā absolves deprecationes cum Psalmis, ploratu, & supplicationibus, quoniam hāc horā peperit Filius Dei in cruce. Nonā horā rursum in hymnis & glorificationibus eris, quoniam hac horā Dominus in cruce pendens reddidit spiritum. Duodecimā horā majorem & longiorem facies synaxim. Mediā nocte excitaberis, & hymnis celebrabis Dominum Deum tuum. Matutino tempore hunc Psalmum dico, Deus, Deus meus, ad te de luce vigilo, & Benedicte omnia opera Domini Domino. Idem Apologia ad Constantium Imp. agit de precationum synaxi, deque vigiliis, & pernoctationibus. Basilius, easdem horas celebrat in regulis fusiis disputatis quæstione 37. & sermone primo de institutione Monachorum, qui alius est sermo quartus exercitamentorum pietatis; Epistola item 6. ad Neocæsarienses; & Epistola primā ad Gregorium Theologum ^y; Ecclid beatius, ait, quam hominem in terra concentum Angelorum imitari? ineunte statim die in orationes ire? in hymnis & canticis Creatorem venerari? Ipse verò Theologus oratione habitā coram C L. Episcopis, & oratione primā adversus Julianum, & secundā in Pascha, psalmodiarum concentus, nocturnas vigilias, & alternas modulaciones commendat, & oratione undecima de Laudibus Gorgoniae sororis. O noctes insomnes, exclamat, & psalmorum cantus, & stationem ex die in diem delincentem! O David, quam tu piis dunitaxat animabus haud prolixè cecinisti; In carminibus verò tanquam de re notissima sic canit ^z:

— sed quod omnibus notissimum,

Noctunē cernis ut canat laudes Deo

Naturæ uterque sexus oblitus suæ?

Quot, quamque sancti cernis Angelicum chorum,

Qui nunc simul, nunc vocibus alternis canit?

Consentient alii Patres, S. Ephrem Syrus ^x sermone de beatitudinibus, horæ tertiae, sextæ, nonæ, vespertinae, & matutinae mentionem facit: & Parænesi 19. & 21. morem surgendi nocturno tempore ad celebrandas diuinæ laudes usitissimum semper fuisse asseverat. Gregorius Nyssenus ^x epistola ad Olympium Monachum, quæ est de vita sororis ejus Macrinae,

^x Basilius. ^y Gregorius Nazianzenus. ^t Jamb. 18.
^u Ephrem Syrus. ^x Gregorius Nyssenus.

affiduam psalmorum decantationem inter præci-
puas sanctimonialium exercitationes recenser,
speciatim verò vespertinas preces, & noctur-
nas vigilias celebrat. Cæsarius ^y in Dialogis de
fide Catholica; Peculiariter, inquit, à facio-
cetu Christigeræ Ecclesiæ nostræ usurpatæ
septenaria beneficia; septies enim in die lau-
davi te, ait David auctor carminum divinorum. Gaudentius ^z Episcopus Brixianus vigiliarum
meminit primo, & quarto sermone: psalmo-
rum, hymnorum, & canticorum spiritualium ser-
mone octavo, & nono, specialiter vero sermone
nono ait; lectiones divinas aure percipimus,
ore Dominum confitemur, laudamus, bene-
dicimus, obsecramus, manus supplices ad ce-
lum tendimus, pedibus ad Ecclesiam currimus,
& unam Trinitatis Deitatem flexis ad terram ge-
nibus adoramus. Theophilus Alexandrinus ^a
Epistola prima Paschali circa finem, hymnos
commemorat in Ecclesiastica congregatio-
ne Domino decantatos. Hymnos item matutinos, &
psalmos ad lucernam decantatos laudat Epiphanius ^b in expositione fidei Catholicæ, ubi etiam
varia Monachorum instituta describit: atque
ipsum in suo Monasterio tertiam, sextam, no-
nam, & vespertas more majorum instituisse li-
bro quinto de vitiis Patrum invenio. Palladius
^c in Historia Lausiaca narrat de monte Nitriæ,
in quo vivebant quinque millia Monachorum
tempore Magni Antonii, circa horam autem
nonam, inquit, licet stare, & audire in uno-
quoque Monasterio hymnos & psalmos Chri-
sto canentes, & preces ad hymnos emittentes;
adèo ut existimet quispiam se sublimè elatum
transmigrare in paradísum deliciarum. Astrict
vigilias Hilarius ^d ad Psalmum 118. ad illum
versiculum, Memor fui nocte nominis tui Domine:
itemque Ambrosius ^e ibidem, & tractatu ad Vir-
ginem lapsam, & sermone 25. qui est in die Ci-
nerum, aliasque horas enumerat libro tertio de
Virginibus. Paulinus ^f Nolæ Episcopus libro
3. de vita S. Martini sic canit:

— Vigil oculis omnis

Turba ad consuetos modulamina dulcia psalmos

Advolat, & sanctis solatia querit in hymnis,

Quæ pellant segnes vegetato corpore somnos,

Canibus, & sacris nocturna silentia vincant.

Dicebant Donatistæ, Ecclesiam apud ipsos

tantum

^y Cæsarius dial. 4. interrog. 191. ^z Gaudentius.

^a Theophilus Alexandrinus. ^b Epiphanius lib. 5. de

vitiis P.P. libello 12. num. 6. ^c Hist. Lauf. c. 7.

^d Hilarius. ^e Ambrosius. ^f Paulinus.

cantum esse. Redarguit eos libro secundo contra Parmenianum S. Optatus Milevitamus & ex Psalmo, qui præcipit laudari Dominum à solis ortu usque ad occasum, & ait: Numquid pagani extra leges possunt cantare Deo, aut laudare nomen Dei, & non sola Ecclesia, quæ in lege est? Quam si apud vos tantummodo esse dicitis, fraudatis aures Dei. Si vos soli laudatis, totus tacebit orbis, qui est ab ortu solis usque ad occasum. Clavis istis ora omnium Christianarum gentium: indixistis silentium populis universis Deum per momenta laudare cupientibus. Igitur si & Deus debitas sibi laudes expectat, & ut sonent Spiritus sanctus hortatur, & totus orbis quod debet paratus est reddere, ne fraudetur Deus: etiam vos ipsi laudate cum omnibus, aut quia noluntis esse cum omnibus, soli conticescite. Aurelius Prudentius ^b hymno primo *Kænyselav* noctis vigilias concelebrat, & hymno ad incensionem cerei Paschalis, vel, ut habent aliae impressiones ad incensionem lucernarum, ait:

*Nos sefis trahimus per pia gaudia
Noctemque conciliis, votaque prosperè,
Certam vigili congerimus prece,
Extructoque agimus liba sacrario.
Pendent mobilibus lumina furiibus,
Quæ suffixa micant per laquearia,
Et de languidulis foras natalibus.
Lucem perspicuo flamma jicit vitro.*

Sed omittamne hoc sæculo clarissimos viros Hieronymum & Chrysostomum ⁱ? Hic ad Psalmum 118. ad versum, Septies in die laudem dixi tibi, optimi quique viri, inquit, ac pietate prædicti, quovis die stationem ad Deum septies faciunt. Primum scilicet noctu vigilantes, quod etiam diluculum appellamus. Deinde ad solis exortum Deo, qui diem invexit, gratias agunt. Horæ tertii cum Spiritus sanctus ad Apostolos accessit: Sextâ, cum Christus Deus noster carne cruci affixus est, ac chirographum illud, quod nobis contrarium erat, delevit; Nonam cum cruentum effudit, ac spiritum tradidit, nosque à diaboli dominatu liberavit. Ad solis occasum, quod etiam lucernarium appellamus, quia tunc ob dicti transitum Deo gratias agimus. Postremò cùm ad somnum nos conferimus. Quæ quidem omnia in unum collecta septenarium efficiunt. Idem homil. 59. ad populum Antiochenum, postquam celebravit vi-

gilias nocturnas, ad quas Monachos surrexisse afferit ante diem cùm gallus cantavit, rursus facta die matutinas orationes, & hymnos commemorat, tum tertiam, sextam, nonam, & vespertinas preces. Et in quatuor partes, inquit, diem dispartiti, dum singulæ partes implentur, psalmi & hymnis Deum venerantur. Vespere facta mensa petunt, deinde parum sedentes, vel potius hymnis omnia concludentes in tuo quisque lectulo requiescant. Et hom. 14. in primam ad Timoth. describens vitam Monachorum, post nocturnas preces laudes matutinas enumerat, itemque tertiam, sextam, nonam, & vespertinam synaxim. Hieronymus ^k autem epist. 8. ad Demetriadem; præter psalmorum, inquit, & orationis ordinem, quod tibi horæ tertii, sextâ, nonâ, ad vespere, mediâ nocte, & mane semper est exercendum, statue, quot horis scripturam ediscere debeas. Et Epistola 22. ad Eustochium, Horam tertiam, sextam, nonam, diluculum quoque & vesperam nemo est, ait, qui nesciat: noctibus bis, terque surgendum. Legendus item est epistolâ 27. quæ est Epitaphium sanctæ Paulæ: & in caput sextum Danielis.

5. Quinti sæculi agmen dicit Augustinus ^l. Sat dictum solo nomine. Vigiliarum méminit sermone 2. 5. 6. & 140. de tempore: & initio concionis ad Catechumenos, tomo 6. & homilia 26. inter quinquaginta: quibus sermone 55. tertiam, sextam, & nonam; sermone vero 251. & lib. 22. de Civit. Dei cap. 8. vespertinas preces adjungit. Libro autem 9. confessionum, vigiliarum, hymnorumque à D. Ambroso institutorum concentrum laudat, itemque Epistola 119. ad Januarium, quæ est de ritibus Ecclesiae, & alibi passim. Sequitur Joannes Cassianus ^m rerum Monasticarum diligens Scriptor, qui libro secundo & tertio de institutis cœnobiorum horarum canonistarum ritum & modum accuratè describit, tertiae scilicet, sextæ, & nonæ, vespertinarum, & nocturnarum precationum, matutinae laudis, & primæ, quam alteram matutinam vocat, & suo tempore in suo Bethleemita Monasterio institutam tradit. Nec defunt alii Patres, & Scriptores insignes hujus sæculi. Petrus Chrysologus ⁿ laudat vigilias sermone 24. & 39. itemque diurnas orandi horas sermone 21. Synesius ^o Episcopus hymno primo matutinos, vespertinos, & nocturnos hymnos

^k Hieronymus. ^l Augustinus. ^m Cassianus. ⁿ Petrus Chrysologus. ^o Synesius.

hymnos offert Deo. Victor Uticensis p libro secundo Wandalicæ persecutionis Clericos describit hymnos nocturnos psallentes : & libro tertio Hunnericum Regem, cùm in exilium egisset Catholicos Episcopos & sacerdotes, legem tulisse narrat, ut non psallerent neque orarent: nec codicem ad legendum in manibus gerarent. S. Cæsarius^x, Arelatenfis in regula monastica S. Teridio tributa ritum psallendi in noctibus sic ordinat; Vigilias à mense Octobri usque ad Pascha duos nocturnos faciant, & tres missas; ab una missa legat frater tria folia, & orate; legat alia tria, & orate; legat alia tria, & levet se. Dicite Antiphonam, Responsorium, & aliam Antiphonam; Antiphonas ipsas de ordine psalterii. Post hæc dicant matutinos directaneum, Exaltabo te Deus meus Rex; deinde Confitemini, inde Cantemus Domino, Lauda anima mea Dominum, Benedictionem, Laudate Dominum de celis, Te Deum laudamus, Gloria in Excelsis Deo, & Capitellum. Omni Dominicâ sic dicatur. Sidonius Apollinaris, Epist. 17. libri 5. Cultu, ait, peracto vigiliarum, quas alternante mulcedine monachi, clericique psalmicines concelebraverant, quisque in diversa secessimus, non procul tamen, utpote ad tertiam præstò futuri, cum Sacerdotibus res divina facienda. Simeon Metaphrastes^y vita S. Theodoræ Alexandrinæ, qua Zenone imperante virili habitu induita in Monasterio vixit. Docet, inquit, eam Abbas de more psallere debere, vespertinam & matutinam glorificationem quotidie peragere, nec horarum ullam præmittere. Ipsi quoque moritura puerum sic instruebat. Consuetae preces numquam neglexeris, neque horas, quæ sunt constitutæ fratribus ad convenientendum, Matutini, inquam, Tertiæ, Sextæ, Nonæ & Vesperarum. Narrat Nilus Monachus^z sanctos Patres in Sina à barbaris truecidatos summo mane, cùm paulò ante desissent hymnos cantare. Meminit vespertinas psalmodiarum in vita S. Serverini Eugippus Abbas^u. In Monasterio S. Theodosii Cenobiarchæ, septies in die variis linguis hymnodiarum regula peragebatur. Possem alia multa ex viis Sanctorum, qui hoc saeculo vixerunt, affirre: itemque ex historia Lausiaca Palladii^v, ex Socrate, similiter, &

Sozomeno^v, qui ad præsens quoque sæculum pertinent; sed pergo consulens brevitat.

6. Sexto sæculo horarum canonistarum auctor erit & testis, unus pro mille, sanctissimus Monachorum Patriarcha Benedictus^w, qui omnium iustorum spiritu plenus, quantus fuerit in studio diuinorum laudum propagando & capite octavo, usque ad vigesimum suæ Regule luculenter ostendit: sed de officiis monasticis ordinatione fusiis infra suo loco. Meminit autem S. Benedictus omnium partium tam majorum, tam minorum cuiusque officii, cæterisque horis completorum adjunxit, quod ab ipso institutum est, ut capite undecimo demonstrabimus. Huius discipulus Gregorius Magnus^x ad septimum sæculum spectat, cujus laudes in sacramentario, & cantu, quem ab ipso Auctore Gregorianum vocamus, manifestæ sunt. Cæterum hic fisto gradum. Quid enim adhuc egerimus testibus? Dicam cum Vario judice apud Tullium^c: Aut hoc testium satis est, aut nefcio quid satis sit. Paucis annis post Gregorium vixit Isidorus Hispalensis, cuius ingeniolem laborem in explanandis Ecclesiæ officiis sequuti sunt postea haud contemnda industria Alcuinus, Amalarius Fortunatus, Rabanus Maurus, Walfridus Strabo, Rupertus Abbas, Hugo de S. Victore, & alii recentiores, qui per latissimum hymnodiarum pelagus plenis eloquentiæ velis spatiuntur.

7. Sacra igitur psalmorum modulatio æquales cum Angelis sortita natales crevit sub Patriarchis, novo viguit juventæ flore, non sub Pelagio secundo, ad quem insigni errore precis horaria institutionem refert Polidorus Virgilius^d, sed nascente Ecclesia Apostolorum decretis stabilita. Et quidem nocturnas vigilias, laudes matutinas, Tertiam, Sextam, Nonam, & Vesperas jam ab ipsis Apostolorum temporibus in usu fuisse ex supracitatis testimoniis constat. Ex veteri quoque testamento multum momenti habet antiquitas illa matutini, & vespertini sacrifici: itemque illud, quod in mundi creatione vesper dumtaxat, & mane commemorantur, ut Rupertus Abbas^e observat. Prima vero tempore Cassiani, Completorium autem ex Divi Benedicti institutione initium habue-

p. Victor Uticensis. q. Cæsarius in regula num. 19.

Et 20. r. Sidonius Apollinaris. s. Metaphr. apud Surium 12. Septemb. t. Nilus Monachus. u. Eugippus Abbas. Metaphrastes. x. Palladius. y. Socrates.

z. Sozomenus. a. Benedictus. b. Greg. Magnus. c. Cic. 2. definib. d. Polid. Virg. de inv. rerum lib. 6. cap. 2. e. Rup. de div. off. lib. 1. c. 9.

habuerunt. Auctor vitæ S. Guduvali Archiepiscopis, & Eremitæ horas canonicas Christi, & Apostolorum auctoritate institutas dicit, quas vir sanctus recitatus cum dixisset, *Deus in adjutorium meum intende, Angeli subjunxerunt, Domine ad adjuvandum me festina: & sic totum officium alternis vicibus cum viro Dei explaverunt.* Porro successu temporum tantum fuit in Ecclesia divinæ psalmodiæ studium, ut nec diminui amplius nec augeri posse videatur. Scribit Palladius ^f oculatus testis civitatem se vidisse, in qua cum plura essent Monasteria, quam profanæ domus, in omnibus vicis, & angulis divinæ laudes cantabantur, ut ex una civitate una facta cerneretur Ecclesia. Metaphrastes apud Surium ^h auctorem Accimerarum fuisse tradit Alexandrum Abbatem, qui cum prius Byzantii exerceretur in templo magni Martyris Menæ, postea in ipso ostio Ponti venerandum statuit Monasterium, in quo novam quidem, sed longè omnium pulcherrimam legem imposuit, ut hymnorum ad Deum nunquam interruperetur perpetuitas; Sed per vices mutatis ministris hæc nunquam silens, & numquam conquiescens tribueretur Deo glorificatio. Mortuo vero Alexandro succedit Joannes, qui in regione Bythinorum aliud excitavit Monasterium ^{āxōtūn̄tās}, id est, non dormientium. Joanni succedit Marcellus, qui in plura cœnobia idem studium invexit. In regia autem urbe Constantinopolis simile Monasterium constructum fuisse scribit Nicephorus ⁱ, in quo perpetuis carminibus nunquam non hymni Deo canebantur, soliditate monachorum eam ob rem in tres cœtus divisi. Nec caruit Occidens hoc instituto. Bernardus in vita Sancti Malachiae, postquam de multitudine Monasteriorum Hyberniae, & Scotiæ loquutus est; Ex quibus, inquit, ad has nostras Gallicanas partes S. Columbanus ascendens Luxoviense construxit Monasterium factus ibi in gentem magnam. Ajunt tam magnam fuisse, ut succedentibus sibi vicissim choris continuarentur solemnia divinorum, ita ut ne momentum quidem diei, ac noctis vacaret à laudibus. Diu etiam viguit in Monasterio Agonensi Thebis Martyribus sacro hæc incessabilis psalmodiæ ratio à sancto Sigismundo Rege & Martyre instituta, ut in

historia Francorum Gregorius Turonensis ^k testatur; Libro quoque de gloria Martyrum affiduum, & quotidianum psallentium à prädicto Rege ibidem institutum affirmans. Ab Agauno vero hæc psallendi regula in alias partes diffusa est, nam ut refert Aimonius ^l libro tertio de gestis Francorum, Guntramnus Rex Baſilicam ædificavit, in qua monachi jugiter psallent, prout Rex Sigismundus in Agauno instituerat. Qui videlicet psallendi ordo, ait ille, etiam ad sepulchrum S. Martini antiquitus celebrabatur: & a B. Germano in Monasterio S. Vincentii servari jussus, nec non in Monasterio S. Dionysii à Dagoberto Rege agi präceptus est ^m. Quo Dagoberto regnante S. Amatus Abbas Monasterium Virginum construxit, quas in septem turmas distributas noctu diuque per vices sine intermissione psallere voluit, ita ut semper duodecim Virgines in unaquaque turma essent. Teste item Fulberto ⁿ apud Surium sub disciplina S. Aichardi Abbatis vivebant in uno cœnobio nongenti monachi divinis laudibus jugiter incumbentes: ex his una die obierunt quadringenti quinquaginta à Deo præmoniti, quorum una pars hora tertia, pars altera hora sexta, pars tertia hora nona, pars quarta hora vespertina deceſſit. Narrat Hieronymus Emser ^o in procœmio vitæ S. Bennonis Episcopi, Clericos Ecclesiae Misshensis in varias classes distributos jugiter psallere consueville die, ac nocte; quam perennem laudationem Ernestus, & Albertus fratres Saxoniae Principes, & Misniae Marchiones fundarunt. Sunt & aliae multæ ejusmodi Ecclesie, in quibus olim jugis Psalmodia exercebatur: nam, ut in Orientem regrediar, monasterium S. Publpii describit Theodoreus ^p in Philotheo, in quo hymnos matutinos, & vespertinos decantabant monachi primo Græci, deinde Syri, utrique propria lingua sibi succedentes. Describens quoque monasterium Zozime Sophronius ^q Episcopus in vita S. Mariae Ægyptiacæ, Psallentia, inquit, ibi erat incessabiles totius noctis habens stabilitates. Tum Oxyrynchus dicta est civitas in Thebaide, in qua per omnem partem die, ac nocte hymnos, & laudes Deo referebant viginti

PPP mil-

^k Greg. Turon. hist. Franc. lib. 4. e. 6. & de glor. Mart. cap. 75. ^l Aimon. de gestis Franc. l. 3. cap. 80. ^m in Surius 13. Septemb. ⁿ Fulbert. e. 17. vita S. Aichardi, apud Sur. 15. Septemb. ^o Hier. Emser. apud Sur. 6. Jan. 1. 7. ^p Theod. Philost. cap. 2. ^q Sophronius lib. 2. de vita Patriarch. cap. 40.

^f apud Surium 6. Junii. ^g Pallad. in hist. Lat. scia. ^h Sur. 29. Decemb. ⁱ Niceph. hist. Ecd. l. 5. c. 23.

millia virginum, & decem millia monachorum. Etiam in ordine nostro Cisterciensi quædam cœnobia fuisse legi, quibus ex hac institutione nomen inditum fuit, nam laus perennis, & jugis laus vocabantur, quod in eis perenni successione divinæ laudes celebrarentur. Æmulabantur nimirum antiquiores monachi supernae Hierusalem gaudia, per cujus vicos festinum Alleluja numquam interruptis concentibus cantatur. Nam, ut optimè Augustinus^r, Cum post istas corruptionis angustias habitabimus in domo Dei, tota vita nostra non erit nisi laus Dei. Recedente necessitate omnia negotia necessitatis intercidunt, quoniam non erit quid ibi agatur. Non dico die, ac nocte, ubi nox non est, sed toto die, cum unus dies est, non erit quid ibi agamus, nisi laudemus quem diligimus, quia tunc & videmus. Modò non visum desideramus, & laudamus: tunc visum quod amamus, quomodo landabimus? sine fine erit laus, quia sine fine amor.

8. Longum esset retexere quam sublime, quam divinum sit opus divinis quotidie laudibus vacare; hymnis, & cantis spiritualibus exercere seipsum, & beatorum in terris felicitatem imitari, sicut scriptum est *f*. Beati qui habitant in domo tua Domine, in secula seculorum laudabunt te. Placet hic Antiochi sanctissimi monachi verba dedisse^t. Psalmodia, inquit, est opus incorporearum virtutum Deo administrantium, & indivulè assistentium, juxta quod dicitur, Laudate Dominum omnes Angeli ejus, laudate eum omnes virtutes ejus. Hoc opus competit & hominibus, omnis enim spiritus laudet Dominum. Monachis autem peculiari quadam prærogativa, vel in primis convenient, quod institutum vitæ proflus Angelicæ delegerunt. Suffragatur Antiocho Cyrillus^u Hierosolymitanus his verbis. Propterea traditam nobis hanc Seraphicam Theologiam Sanctus, Sanctus, Sanctus recitamus, ut in illa cœlesti hymnodia cum supramundana militia communicemus per hujusmodi hymnos nos sanctificantes. Scribit Philo^x magis gaudere Deum puris mentibus, quæ hymnos offerant in gratiarum actionem, quam Hecatombis. Ad hoc enim, teste Chrysostomo^y, creatus est homo, ut laudet Deum. Nihil à nobis, ait ille, æquè requirit Deus, ac laudes, & gratiarum actiones; propterea rationales nos

^r August. in Psal. 141. ^f Psalm 83. ^t Antiochus bon. 105, quæ tota est de psalmodia. ^u Cyril. catheb. 5. ^x Philo lib. de vñt. offerenda. ^y Chrys. in Psal. 116.

fecit, & à brutis lingua discrevit, ut etiam laudemus, & jugiter glorificemus. Sed de psalmodiæ excellentia ne plura hic scribam, fecit vir omnium literarum gloria illustris Anacletus Siccus^z, qui universa de genere hoc elegansissime pertractavit edito insigni opere de Ecclesiastica hymnodia, ejusque usu, & præstantia.

9. Utinam possem, Deus meus, vera jucunditas cordis mei, utinam possem laudare te tam excelsa voce, tam pura mente, sicut unquam laudatus es ab aliqua creatura tua in celo, & in terra. Utinam possem omni momento vacare tibi, & à laude tua nunquam cessare. Ubi est enim bonus meum, & lætitia mea, ubi pax, & requies animæ meæ, nisi in laude creatoris mei? Sed quomodo potero te dignè laudare, qui nec te satis mirari dignus sum? Nam fœcordia depressus ad te, qui justus es, ipse non iustus erigi nequeo: & cum adhuc simulacula mundi hujus circumferam, vel invitus ad terram allidors, neque speciosa laus esse potest in ore peccatoris. Verumtamen ante te est omne desiderium meum, & multiplex gemitus cordis mei pro defectibus meis. Suscipe igitur ardentissimum desiderium languentis animæ meæ in laudem, & gloriam nominis tui. Suscipe vota cordis mei in holocaustum matutinum, ascendat oratio mea ad te, sicut incensum vespertinum: da fermoneum rectum, & bene sonantem os meum, ut placeant verba mea, & hæ quæsuscumque lucubrationes meæ in conspectu tuo inteternum.

10. Possem hoc loco acriori stylo adversus quosdam Anonymos inveni, qui emento Theologi nomine, ut facilius deciperent simpliciores, ausi sunt publicam horarum canonicarum recitationem irridere, & calumniari. Ajunt supervacua esse tot officia, ad honestam dumtaxar Religiosorum, alioquin otio & inertia languorium, occupationem adinventa. Nunc in Ecclesiæ utilitatem, in studia literarum, in præstantissima charitatis opera diu noctuque incumbentibus quid opus cantu, & psalmodiæ? Quasi vero omnium Ordinum religiosi viri choro jugiter mancipati non infinita pietatis opera exercuerint, non plura posteris reliquerint doctrinæ monumenta. Nusquam sancti Patres officii divini solemniter recitandi causam designant otiosorum occupationem. Aliæ illis causæ. Nec se otiosos,

^z Anaclet. Siccus.

otiosos nuncupari patientur tot Ecclesiæ processus, tot Præfules, & Antistites tot primæ notæ Theologi, tot sanctitate insignes viri, tot illustres Dominici agri cultores, qui in Deo dicatis cœnobii non sine proximi ædificatione, & animarum fructu vixerunt, & vivunt: non tot presbyteri, & Ecclesiarum Cathedralium Canonici, & scientia, & natalibus illustrissimi, non ipse summus Pontifex Ecclesiæ Catholicæ caput, non Cardinales, non Reges, & Principes, qui omnes summo studio hunc morem statis horis publicè psallendi ab ipsis Ecclesiæ incunabulis ad hanc nostram senescensem ætatem coluerunt, laudarunt, frequentarunt, semperque laudabunt, & frequentabunt, donec Antichristi tyrannis omnem Dei cultum à fidelibus tollat. Sectarios tanta intemperie Ecclesiasticum cantum irridere non miror: solempne illis est omnem pietatis speciem, omnem religionis majestatem everttere. At inter Catholicos, inter eos, qui se Theologos nuncupant, homines reperiiri, qui antiquissimos Ecclesiæ ritus, qui sanctissimam psallendi disciplinam, si non omnino tollere, at saltem dignitatem ejus minuere, præstantiam obfuscare contentur; profectò non crederem, ni typis evulgatae scriptiones id evidenter ostenderent. Psalmodiam igitur nihil aestiment fideles, quæ maximas Dei laudes continet, nostræ Religionis arcana commemorat, contemplationem nutrit, gignit amorem, perfectam orandi formam exercet, dæmones fugat, lætitificat Angelos, delicias spirituales subministrat, & quandam in terris coelestis gloria fidelitatem repræsentat? Væ retroactis seculis, istos Theologos non tulerunt, ut admonerent Ecclesiam, ne tot cantibus, & prolixis precibus fatigaretur. Sed parco verbis. Latitant, quia male agunt, adversarii. Nolo ego cum larvis, aut instar illius Cyclopis apud Homerum cum nemine luctari. Porro de ortu, & excellentia sacrosanctæ Psalmodiæ jam diximus: nunc dicendum, quæ causæ à sanctis Patribus assignentur, ob quas certæ horæ ad psallendum Deo fuerint institutæ.

C A P U T I I.

Quibus de causis certæ quædam horæ ad psallendas Deo laudes fuerint institutæ.

S. 1.

Varia nomina horarum Canonicarum explicantur. Cur divina mysteria symbolis, & allegoriis occultarint Antiqui.

Certos hymnos, certamque rationem publicè laudandi Deum primi Patres Ecclesiæ divinum officium nuncuparunt. Vocant enim officium Latini idiomatici Professores id, quod quisque debet efficere, habita ratione locorum, temporum, & personarum. Inde titulum de Officiis acceperunt libri tres Ciceronis, totidemque Ambrosii Præfulus Mediolanensis. Est etiam officium apud Suetonium^a honor, vel obsequium: Affidentem, inquit, conjurati specie officii circumsternerunt. Dicitur autem officium una immutata litera ob decorem sermonis, quasi officium ab efficiendo, ut notat Ambrosius^b. Quia verò in divinis laudibus id omne continetur, quod nobis faciendum est erga Deum, easque statis horis persolventes debitum servitutis obsequium supremæ Majestati impendimus, ideo sub hac duplice acceptione Dei laudibus officii nomen imposuerunt Antiqui. Alii horarias preces cursum divinum vocarunt, vel à cursu solis desumpto vocabulo; vel quia legendo, & cantando percurruntur. Sanctus Columbanus^c Regulæ suæ caput septimum inscripsit de cursu: S. Bonifacius^d Epistola 17. speciales horas, & cursum Ecclesiæ custodian: Gregorius Turonensis^e, ex urgente Abbatे cum monachis ad celebrandum cursum: Fortunatus^f Picaviensis Episcopus in vita S. Germani, S. Germanus iter agens semper nudo capite cursum recitavit, etiam si nix, aut imber urgeret: Idem in carminibus^g:

P p p p 2 Carmine

a Suet. in Cesare. b Ambr. de off. lib. 1. cap. 8.
c Columban. reg. cap. 7. d Bonifac. epist. 17.
e Greg. Turon. l. 1. de glor. Martyrum c. 11. f For-
tunatus c. 79. vita S. Germani. g Idem lib. 2. ep. 10.